

書

皇朝



皇朝

皇朝

皇朝

皇朝

節孝徐先生像讚

其節其孝得天者全平生學力身後
名傳儼兮寇玉積善堂前再拜公像
清風颯然

大德丙午立秋廬陵後學趙良珏拜
手謹題山陽李君實所藏
仲車徐先生真像

神動天隨金相玉質則而象之有吾
君實

皇慶癸丑秋王霄賓書

觀其貌思其德儼然正氣如節孝者
能幾人聯璧題讚君實家藏皆仿像
其真者天地間識此又能幾人耶故
亦為之讚曰

寇冕佩玉有此像在秘而藏之海嶽
嵩岱亦將延綿兮德惠下代

大德丁未春無髮士祖可敬讚

節孝先生道德文章著于人心載在
方冊者人皆可得而見至於其平日
衣冠儼雅雖欲髣髴其形但之萬一

而不可得也

先生之七世孫文明字渙甫與秀發同里又甚厚故嘗得閱其家藏前賢翰墨諸名公跋文因求

先生之真像傳寫而珍襲之噫千載而下觀者如親挹

先生之風采若晦翁所謂凜然可肅薄夫者是亦警誨浮俗之一端也夫大德丙午四月既望山陽李秀發薰沐敬讚

節孝先生文集山陽舊板燬于兵四世孫坦家藏嘉禾墨本字畫磨舛先後失序夫亨再叨鄉部退食之暇從而訂證編次之他如皇朝名臣之錄東都卓行之傳及先生與門人問答之辭蘇黃諸老往來之帖莫不附見再用板行觀者不待旁搜遠討而瞭然在目矣慨惟高大父待制撰先生行實之狀曾大父中書跋諸賢詩帖之編今詩帖之編已失而行實之狀幸存夫亨無所肖似乃今裒集全書藏諸鄉校以承先志壽於無窮亦足以見王氏之於先生真有夙契云

淳祐庚戌冬朝請大夫淮南東路提點刑獄公事兼
淮南東路轉運判官王夬亨序

節孝集目錄

事實一卷

臣寮奏乞以判官克教授

吏部符克楚州教授

發運蔣公奏乞改官

知楚州蹇公奏乞改官

諸司王公等舉奏乞異寵

運使章公再奏乞處異寵

知江寧府曾公奏乞處以太學官

改官告詞

開封尹王公奏請賜謚

賜謚告詞

待制王公撰行狀

皇朝言行錄

皇朝東都事略卓行傳并序

諸君子帖

文集三十卷

第一卷

古詩十首

忠烈詩并序

和楊掾月蝕篇并序

大河上天章公顧子敦

李太白雜言

送程守并序

送李端叔

上趙少師并序

俊老行送林次中赴都司并序

魯恭王祠并序

莫飲吳江水寄陳瑩中

第二卷

古詩十四首

瓊花歌

姚黃并序

大松

芟荷并序

雙樹海棠二首并序

玉女花二首并序

和李道原清風謠

望淮篇示門人

太華

管春風

高樓春

淮之水示門人馬存

第三卷

古詩十九首

項羽別虞姬

虞姬別項羽

白雲先生

山中樂

花下飲

江南春

歡樂辭

登高辭

淮陰義婦二首并序

北神烈婦并序

謝蘇子瞻三首

感秋和張文潛三首

謝周裕之二首

贈玉師失鸚鵡詞

第四卷

古詩二十二首

送蔣憲穎叔并序

謝呂帥寄書并序

送程運判

代玉師謝蘇子瞻

寄李道源

酌李道源彈琴之句二首

和馬秀才并序

謝皇華使者并序

謝田守并序

謝畢令

謝王觀文韶

謝呼延禁侍

昨日之夕和蔣穎叔

寄崔尉

送張君河朔之行

荅范君錫汎汎愛花之句

贈倪敦復

贈張敏叔

送汝弼赴潭伴二首

富貴篇荅李令

第五卷

古詩二十九首

寄管中

贈查宣教

荅盧魯山秀才

荅劉子靜并示魯山

和魯山感春二首

呈次中

述懷寄呂帥

和李白明二首

送沅州通判

贈呂帥

謝周廉彥致奠

寄道源二首

和李白明

送呂掾歸揚州

寄范掾

送晦叔

贈張敏叔

送辛朝奉

送崔主簿赴雅安

送張九掾兼簡同事錢明府可與慎叔良蔡彥

規同一笑也

送王潛聖

寄張文潛

代簡呈通理察院

送詩僧嚴上人

送端叔二首并序 再送端叔并序

第六卷

古詩二十三首

呈路倅 奉呈河中教授

奉呈守道 贈蔡長官子

謝董元達 謝石運幹仲謀

寄陳伯模 送李光道

卜居一篇二章別望之并序

西山高寄崔刑部答崔伯易之句

送張宜父赴南從幙府正彦

寄吳行甫并序

贈荆南王秀才天爵集虛二堂求詩仍往武陵

送李昂長官 謝江倅

謝李次翁

答李昂長官富貴貧賤終篇之賦

贈陳留逸人二首 謝葉祖洽

送沈判官 酬傳道

第七卷

古詩二十七首

寄龔豫之震 謝承城令陳德任舉

寄豫之

贈卽朝散

乞留草贈路倅

答俞簿

答倪令挑戰之句

送思權隨趙守赴揚州

謝存中送四花卉酒

寄蔣大漕

寄汝獬

古風一篇贈梅使君并序

寄江子和

送呂明府

送陳明府

再送呂明府

有客所養厚一首贈送吳安中歸省其兄

和吳奉議

贈程秀才

送竇秀才以祝四言

送張子厚滕縣行

送錢思權

贈張教授與弟別

戲答二首

贈徐彥

寄朱少府

代人上陝西漕生辰

第八卷

古詩九首

贈慎伯筠

送秦漕并序

寄太康知縣周宣德

送張漕正言并序

送趙漕偁并序

送趙中并序

謝玉師

送雲鶴山人

送李守孝博四言并序

第九卷

古詩十五首

贈武夷旅人并序

贈龐公四言

送裴守并序

送范思德

送李推官并序

送喬司法

送賈鎮卿

可養一章別范子舟

送山陽宰

贈呂公侍講

送汪宮教

代諸生送蔣守二首

送山陽太守李公并序

送江倅

送蔡守并序

第十卷

古詩三十四首

謝李自明并序

贈胡大夫

送呂清叔三首

贈王觀文并序

答張文剛

答劉子靜

送穎叔

和張文潛晚春

示諸生

謝張尉

送秦漕

贈鄭毅夫

送陳長官赴衡陽

贈慎彥鄰并序

荅何楚才

還崔秀才唱和詩

贈慎叔良三首

贈盧魯山六首

寄秦少游

贈錢思權四首

贈袁評事

大河上蔣寶文

第十一卷

寄王十七丈

寄張芸叟

寄吳安中

贈魏教諭

贈陳誠父

贈張才父

贈陳紉

和蔣龍圖二首

和李自明

和倪敦復三首

荅范君錫三首

呈周裕之

恨君不作洛陽客

荅錢思權

妾薄命并序

如今

夢中作

誰何哭

客去

醉中詠牡丹

第十二卷

古詩二十二首

楊柳枝

睡二首

醉題友人詩後

同門人夜看花

謝人惠梅花

代簡招魏君

偶題

三月三日作

鴈從何處來

金沙行

夢李白

好笑南郭公

觀草

繡屏戲呈恩權

與熊熊作策寫詩

莫望草

所居二柳

書樂陵王伯年太子傳

哭崔刑部

哭狗狗

偶述

閔災詞并序

第十三卷

古詩十六首

復古頌并序

暴雨

思誠齋夜坐

逃席

有客何為者

周長官出二子詩相示

又贈二子

封本堂四言并序

書江氏芝草記後四言

新安呂尚書夫人墳四言一首

謝秀才晦庵

哀吟贈蔡子驥女

題淮陰泰山行宮廟

登淮陰古城并序

愛愛歌并序

一般花下飲一盞

第十四卷

古詩十六首

題寄真并序

偶述

八月十四夜

寄汝弼周君

釣者

漁父樂

濰陽

哀哀詞

耳邊啼鳥喚不起

有客不為賦

中秋月下作贈呂祕校

寄張宜伯

漁者

漁翁

臨卧

李陽冰篆

第十五卷

律詩二十六首

弔屋平并序

重陽日訪馬存秀才席上寄崔守

哭彥規七首并序

寄呂帥五首

贈汪判官

寄路倅

和呂祕校觀梅二首

寄顧瀛州

贈胡大夫

贈劉懋功

贈劉閣使

和范君錫觀梅二首

送倪敦復三首

第十六卷

律詩四十一首

寄呂海州嘉問

贈至幾五首

復明經

和蔣龍圖

送呂清叔四首

和蔣隸叔二首

送人之洛陽

寄蘇子由

贈慎叔良

寄田大夫

寄慎朝奉

寄張景修

寄朱博士

和李閣中

送王潛聖四首

送李守

寄林處

送蔣憲二首

和蹇受之四首

謝趙朝散

謝秦少游并簡參寥

送李漕

送雲鶴山人

和孫元規資政遊園三首

第十七卷

律詩三十一首

贈玉師失鸚鵡二首

謝蔣穎叔二首

沙謝陳德任

和湯令

召汝弼

振飢篇贈陳守二首

送山陽宰高奉議

贈穎叔

送吳坦求師仁

答李閑中節推

和沈判官

謝蔡子驤

寄朱至機二首

寄穎叔

送婁六秀才

和楊守清容堂并序

書狄梁公傳

夜賞花寄敦復

戲答君錫酣戰之句

和崔刑部凭欄

示汝弼

和汝弼

呈敦復

代書寄次翁

上蔣公

和路朝奉退居

送至機

第十八卷

律詩四十首

寄路倅洪澤阻水二首

和潘朝奉

和路朝奉新居十五首

送路倅二首

和石宣德五柳亭

送秦漕

送宮教郎朝奉

送李憲二首

送程守二首

送人從軍

贈山翁

山翁吞無分之句

謝張才甫筇竹杖

戲呈魏評事三首

寄江子河

和路太博

謝穎叔

寄王觀文

別崔刑部

送秦少游

第十九卷

律詩三十三首

送慎彥鄰赴舉

寄蔡子驥

送管久中

贈鄭毅夫

戲答何楚才酒肆

和張文潛晚春四首

二老寄未廣微二首

送曾子開

送慎彥鄰

呈舒信道

呈張敏叔

贈探花郎

寄呂秘校

贈余進士

寄王潛聖

答范君錫

上胡先生

和潘朝奉

和呂秘校十首

贈蔡子驥二子

第二十卷

律詩三十二首

答崔汝弼

答魏老二首

荅楊存中

謝張先生出示鐵笛

上林殿院次公九首

寄顧龍圖

寄張子中

過故鄉并序

少年行

贈李通直

寄范君錫

寄崔汝弼四首

寄裴守

贈盧君常

君向瀟湘我向秦

寄朱廣微

荅白雲之句二首

菊花

贈黃魯直

第二十一卷

律詩三十二首

示諸君

妾薄命四首

璽書長句

瑤真詩并序

詠慎郎中園木香

長春花五首

天下風流無楊柳

誰把閑愁付綠楊

一生多恨瘦纖纖

一片花飛減却春

問楊柳

白蓮花

野花

謝人惠梅花

海棠花

別玉女花

又綠楊二首

柳絮二首

荷花

杏花

第二十二卷

律詩四十一首

春草

移竹

贈王師鸞鵠

十扇

華山四首

太華

敗花

雙頭芍藥二首

題紫極宮

柳上見鸞

舞馬詩

華陽山五首和查教授

秋山

宿山館十首

宿溪亭

過望思臺

望淮亭二首

第二十三卷

律詩四十一首

天都仙二首

朝迴仙

武仙

貧仙

吟仙

醉起仙

早朝仙三首

文仙

富仙

貴仙

醉仙

廉仙

寡欲仙

王妃

閑仙

夜宴仙二首

浴仙

太平仙

雪仙

無妄仙

悟仙

劍仙

地仙

麻姑二首

恭仙

困仙

詩酒仙二首

贈別仙

望仙

希夷仙二首

惡偽仙

水仙四首

第二十四卷

律詩三十七首

無累仙

憂仙

又水仙四首

宴仙

童仙

飽仙

茶仙

迷路仙

笑仙

悶仙

勞仙

晨起仙

老仙

飢仙

狂仙

賣藥仙

無知仙

謫仙

力仙二首

慢仙

求仙

藐哉

不可知

無奈何二首

勸君仙

鳳仙

飛仙二首

忘憂仙

急仙

又雪山二首

玉霞弟子

奇哉

莫回頭

謫仙謠

龍仙

鸞

鶴

第二十五卷

律詩

清虛臺

送李守

舞

秋水

中秋月二首

除夜四首

詠雪

華州太守花園

擬和御製賞花釣魚

錢塘江潮二首

題東軒二首

九月九六首

喜雨上山陽守

吞雪

春雪二首

雪中書事

秋風

秋雲

樵家

村家

漁者二首

織女

第二十六卷

律詩

雪十首

偶述

催粧

錦被堆

神宗皇帝挽詞

代人進太皇挽詞并表

閻博士挽詞

苗戶部挽詞

林漕挽詞

蔡學士挽詞

第二十七卷

挽詞

蘇子瞻挽詞

蹇侍郎挽詞

楊集賢挽詞

韋侍郎挽詞

林殿院挽詞

甯倅挽詞

李朝議挽詞

哭張六并序

招陳顧魂挽詞

第二十八卷

雜文

禍福戒

安叟訓

荅舜問

嗣孟

復河說

越鄉銘

書鄭繁傳

江寧句容縣廳壁記

題山陽倪大夫北軒

題陳吏部詩後

第二十九卷

雜文

荀子辯

四維辯

辯習

俠生辯

論兵

策問

命說

第三十卷

雜文

代人求薦二書

上楚州慎郎中書

上提刑邵學士書

代崔刑部與劉易先生書

上楚州太守書

代汪主簿上田提刑

代人請見書

代人上省判蔣工部書

上趙殿院書

代慎秀才上陸學士書

與廉公望薦王秀才書

與吳待制書

代李駐泊與許職方啓

代人回報啓

代李駐泊上李空省啓

代慎駕部上南京劉相公啓

代人與壽春令啓 代人與濠州郭右司啓

代李駐泊與沂州石比部啓

與寶玉大師啓

代池倅慎駕部與太守先狀

代慎郎中遺表 楚州教授廳題名記附載

第三十一卷

語錄

迪功郎淮安州州學教授翁蒙正

景定甲子孟秋初吉重行編次校定

節孝集事實一卷

臣寮奏乞以判官充教授

臣伏見楚州勅同進士出身徐積經明行修事親至孝家雖貧窶必以其旨養其母及居母喪徒跣廬墓日自執爨具膳如生三年無違僅不減性無田可耕無屋可居而收養孤甥教之養之甚於己子一方之人服其道義節行自為布衣時已延致州學相與師事後既登第監司郡守屢徇人之請優令在學自元豐推行學制以郡官兼領教授自此引避無復廩祿之賴矣今年過五十其窮益甚而清苦自守終不

妄干於人但不幸有曠疾以此不可出仕然其安貧好學訓道諸生應酬士大夫問難質正雖貧不廢也朝廷近下兩省臣寮舉中外學官如積之賢固不易得伏望 聖慈置其疾苦錄其所長特除以判司官差充楚州教授仍實三年理為一任使積遂霑俸給伏望

勅旨四月十八日三省同奉

聖旨徐積除揚州司戶叅軍特差充楚州州學教授

吏部符充楚州教授

準尚書吏部符今月二十五日卯時受

勅中書省臣僚上言竊以古之聖帝明王必崇獎幽素盛德之士者以其風化之所繫也臣伏見楚州進士及第徐積養親以孝著居鄉以廉聞其道義文學顯於東南者垂三十年久處鄉校以教育為事秉德純一士民歸仰今安貧好古之志老而益堅臣愚以謂積雖不從仕若

朝廷特與改官優加廩俸使天下之人知

朝廷貴德獎善之意足以敦厚風俗實有補於聖化伏望

聖慈詳酌施行內黃貼子今風俗偷薄民未勸善如

積之賢若蒙旌別庶幾四方之人知所矜式伏候
勅旨四月十八日三省同奉

聖旨徐積特與除楚州州學教授

發運蔣公奏乞改官

臣竊見楚州同進士出身徐積少孤事母至孝得於
天性初以進士貢有司不忍去其母遂徒步携載羈
旅以入京師母死水漿不入口者十日廬於墓側食
粥三年瘠毀之貌見於形色逮終喪至今猶設几筵
溫清告面如事其生按自治平中登科以耳疾不仕
寓居佛寺閉門不出一布袍二十餘年饘粥不繼而

不改其樂有所饋遺皆却而弗受今居本州州學見
充教授月得供給自奉甚薄而斥其餘以周親舊之
不給者臣久在本州察其所為出於至誠古之所謂
孝廉者未能遠過至於讀書為文長於理趣辯論慷
慨壯而不屈楚俗本薄今乃近厚實積化之近楚州
嘗據衆狀敷奏以應赦書之求伏蒙

聖慈憐其節行加賜粟帛然猶未盡旌貴之義况積
已係進士出身偶以病廢其學行足以為四方表率
欲望

朝廷特賜攷察與改官充本州州學教授使得微祿

以終其身如此庶幾下以助四方敦風礪俗之方上以見

朝廷表賢顯善之意

知楚州蹇公奏乞改官

伏見楚州州學教授徐積孝友之行發於誠心義理之文資以學術其居鄉則安處窮約雖弊衣糲食一介不取其事親則躬執勞苦雖嚴霜烈日終身不渝交遊託以死生宗族均其俸廩潔已刻意踰四十年平居杜門未嘗求聞於人故學士大夫知其人者常少或稱其文或道其行至於窵知物情推見天變通

政之體識兵之機練習古今而智足以知當世取舍慨然有尊主庇民之心雖素所從學者有不知也積始舉進士以治平四年賜出身始赴舉時不忍一日離其親推車載母暴露道塗有重聽之疾由是不肯從仕元祐元年緣近臣薦舉即就除為學官一方之人知所矜式庠序學者彬彬加多至有革頑立懦勇於為義序辰竊謂爵祿慶賞所以助治然不必徧加於天下而民自勸天下之真賢實廉蓋鮮矣果得一二而序諸位褒異寵獎以風四方則人懷慕心衆樂遷善今積賜第已二十有六年在任將書七考國子

祭酒司業及監司守貳薦者十數人其行實資望殆
難與比自布衣擢居學校者分較錙銖同議輕重若
必論年理任事應格法始與之改一官是以衆人遇
積恐非

朝廷褒德進賢養廉耻息貪競之意向使積早自貶
損與俗浮沉甘屈首於勢利之域宜已自致顯位其
下猶不失為郎乃能用心剛明以義勝欲仕不為進
默與道遊既未蒙超拔佐時宜有以旌別勵世伏望
聖慈更賜攷積經行優加錄用勿限資格特與改官
依舊充本州教授仍許不理任數以優養其身而寵

異之庶幾顯示中外敦厚風俗已具

錄奏聞外謹具申

轉運衙伏乞更賜敷奏施行謹狀元祐七年十二月

一十七日

諸司公舉奏乞異寵

具位臣王宗望等伏見揚州司戶叅軍充楚州州學
教授徐積事母至孝卓異之行遠追古人其餘事讀
書著文博瞻清奧足以為學者宗師不幸以耳疾廢
居里閭教導生徒取給而止蓋其名節暴著尤見於
幽閑窮約之間

陛下即位之初宗望以後官論薦起除州學教授歲滿復留殆書八考前後從官國子長貳監司守臣列其行而聞於朝者非一而積行年六十有七分老教官而秩卑祿薄不離掾屬未副

朝廷所以褒表德行砥礪風俗之意論者惜之臣等伏見昨者

朝廷以福州教授陳烈年老就任改宣德卽俾食其祿而久其任以終其身今徐積年已庶幾重以疾廢而宜在所禮况盛德高行不在陳烈之下使積萬一無疾幸遭

聖世不知

朝廷處以何官為稱公義而退居鄉校已可惻然况復限以資格與衆無異臣等竊懷區區不敢苟默欲望

朝廷特賜異寵使善類興起其勸必速臣等無任屏營激切之至謹錄奏聞伏候

勅旨元祐 年正月一日狀

左朝散卽權發遣淮南東路提點刑獄公事臣

徐君平

左朝奉卽權發遣淮南西路轉運副使公事臣黃

隱

左朝請郎權發遣淮南路轉運副使公事臣張

商英

左朝奉大夫權發遣江淮荆浙等路發運使兼

制置鹽礬茶臣彭次雲

左朝請大夫克江淮荆浙等路發運使兼制置

鹽礬茶事臣王宗望

運使章公再奏乞異寵

臣近於月日內與本路監司連銜論列楚州教授徐積至今未蒙

朝廷指揮臣再詳徐積道德文學之實高於古人徒以微疾廢居里巷非獨當世有識之士所共嗟惜後世論事者據人考官必使聖時有遺賢之議實非細故此臣所以不敢避冒昧之誅而再獻前言奉奉之誠也伏望

聖慈檢會前奏施行

知江寧府曾公奏乞處以太學官

臣待罪後官職在薦士有所聞見不敢以中外為問臣伏觀楚州州學教授徐積居今之世行古之道安貧守約垂四十年其稱於天下不止一善而於事親

彙為篤至力行之外讀書為文雖處閭閻有志世務
察其所存蓋非山林之士沉溺枯槁者之所為也不
幸耳疾不能出仕

朝廷昨用舉者處以學官一州之人賴其矜式然臣
竊謂如積之賢不獨可教一州宜置之太學使太學
諸生朝夕親炙而則効之自然四方承風遠近知勸
其於補助教化成就人材得積一人所補多矣伏望
聖慈因臣之言詢訪近臣如臣言不安乞優加官秩
授以太學職事然尚恐積安於鄉里未易輕致乞
勅本路監司守長敦遣就道量給裝錢及具人船送

至

闕下如此則

朝廷待遇之禮已周積自無名辭避者昔唐用陽城
為國子司業而諸生歸養者一日至二十餘人得一
何蕃為太學生而六館之士不從亂蓋賢之所在必
有宏益況今風俗陵遲士節不勵如此等人尤在崇
獎此臣所以惓惓懇懇為

朝廷言之忘其身之踈遠也臣與積皆治平四年進
士雖知其名初未識面昨過楚州入境稱積之賢者
衆口一辭既見其貌聽其言與衆之所稱者同惜乎

尚滯一州掾如太學風化之地最其所宜而未有所以
上聞者輒冒昧以言仰瀆

天聽臣無任戰汗殞越之至伏候

勅旨元祐八年九月初三日

改官告詞

勅和州防禦推官知壽州壽春縣事新差充楚州州
學教授徐積無常產而有常心惟士爲能古之爲士
者好德自修豈待爵祿而後勸哉然先王以此鼓舞
天下爲勸沮之術則亦未嘗廢也爾行潔而德茂學
博而志恬晦跡無求鄉閭之子弟以爲矜式近臣交
薦名達予聞特遷文階俾視京秩疏恩不次非獨息
奔競之風亦以勸無求之士往承異寵益懋遠猷可
特授宣德郎差遣如故

開封尹王公奏請賜謚

革伏觀故楚州教授徐積孝行之美比迹古人經術
之醇見推學者自頃擢第不復進仕操守堅正始末
不踰昨崇寧初

朝廷方興學校之制革以本路提舉學事蔡觀之命
委以計議首至楚州與徐積討論究觀條畫皆有法
度既而有司大比淮南一路之學楚爲選首今積不

幸沒故不獲親見聖朝學制之大成竊聞本州士人具以昨來興學勤事之功請於部使者援張學體例乞賜追謚部使者既以聞于朝矣按積行義不在張學之下如蒙

朝廷特賜考察節惠易名賁及泉壤不獨慰積之平生風于四方足以表勸革待罪輦轂不當僭越緣往者推行學政與積共事今淮人之情寔藉以為言故敢安冒干懇朝聽不勝下情惶恐之甚

賜謚告詞

勅宣教郎徐積天下有道士知所守進則功業見於世退而節義信於人其超一也爾學求諸已仕弗競榮操履得古人之純孝弟為縉紳之表使者言狀朕甚嘉之夫生有封秩之崇則歿有節惠之典儻克修於天爵亦無吝於德名庶幾有知尚克歆受可特授節孝處士

待制王公撰行狀

左朝散郎徽猷閣待制提舉杭州洞霄宮賜紫金

魚袋王資深

先生諱積字仲車姓徐氏世為楚州山陽人曾祖崇

祖奕皆不仕父石神童出身知融州羅城縣事先生
自爲兒童不爲嬉戲寡言笑莊毅如成人羅城君卒
先生始三歲晨昏匍匐求其父甚哀太夫人一日使
讀孝經輒流涕不能止是時太夫人携先生育於陝
右外家事其母篤孝朝夕冠帶問起居一日幘頭晨
省外氏諸婦大笑之翌日復如是笑不已被笑旬日
彌恪自是至老不廢居家必冠帶當暑締綌必重少
喜鼓琴奕碁皆絕人射百步外發必中能馳惡馬嘗
乘醉入華山逢巨寇視之若無人寇不敢害十五歲
奉母自陝右歸楚晝治生夜讀書達旦太夫人憂其
疲夜戒使休乃就枕伺太夫人寐讀書如故治六經
喜難注疏有不合者輒加點竄嘗恨康成不同時與
之對辨諸子百家誦一過不忘既寇徒步後安定先
生學安定門下踰千人獨以別室處之遣婢視飲食
澣濯盛寒惟一衲裘以米飯投漿甕中日食數塊而
已安定使其徒餽之食不受將還受一飯而行曰先
生之命終不可違嘗曰吾於安定之門所得多矣言
之在耳一字不違也歸侍太夫人與二叔父居無何
二叔父議析居先生涕泣止之不可於是請二叔父
先取所欲餘書十篋弊屋數間而已先生怡然受之

二叔父歿家事替先生事叔母送死無不備先生事
母謹嚴非有大故未嘗去其側日具太夫人所嗜或
不獲即奔走闌市若有所亡或慕其純孝損直以售
之親戚故人致甘毳誠不至禮不恭弗受也所奉饌
皆手自調味太夫人飲食時先生率家人在左右為
兒嬉或謳歌以悅之故太夫人雖在窮巷而奉養與
富貴家等無湏吏不快也應舉貢禮部不忍一日去
其親遂徒步載母西入京師一日借書冊經夕還之
人知其必不校乃誣曰冊中有金葉先生遜謝賣衣
償金聞者皆不平強使歸金葉先生終不受平居日

未嘗事聲律及試有司亦以賦中第同榜第一人許
安世率同年數十人拜太夫人於堂上仍以百千為
太夫人壽數徃反先生終拒之一時儒宗巨人與先
生文字相應答不敢以其學行加公若有所畏焉時
先生年過壯未娶或勉之答曰娶非其人必為母病
予非敢忘嗣固有待也先生以羅城君諱石平生不
用石器遇石則避而不踐或謂先生曰天下用石多
矣必避之然後為孝歟他日山行柰何先生曰此吾
私迹則然吾豈固避之哉吾遇之怵然傷吾心乃思
吾親不忍加足其上他日若有君命敢從私乎山陽

太守蔡交慕其高行躬致酒肴粟帛奉太夫人使者
日踵門問起居又勒石紀先生行事于州序太夫人
既以疾終先生號慟嘔血絕而復蘇哭不輟聲水漿
不入口十日廬墓三年卧苦枕塊縗經不去身至雪
夜哀號伏墓呼太夫人問寒否如平生困委僵仆手
足皆裂不顧也翰林呂溱嘗造廬下見其飲食聞其
號哭垂涕曰想見鬼神中夜聞此聲亦須為公泣所
居茅舍不蔽風雨而農夫樵婦瞻仰如神有爭訟者
必造之先生以義裁決皆悅服而去不敢復造有司
每歲甘露降於墳域必逾月郡縣吏民無長少日至

東郭焚香致恭競獻粟帛藥劑悉無受鄰邑之人環
廬擁道移市就之踰月乃止太守迎先生入學歲四
月降甘露於所舍太夫人墳左有杏一本兩枝數年
矣一日兩枝之端忽漸相向踰時遂合今尚存也先
生自郊外居州學教授舍尚設考妣几筵晨昏起居
執爨滌器饋食如生冬以火温衾席夏揮扇去蚊蚋
思母平時所甘日以供祀未嘗一日不奉酒也先生
嘗患鄉飲之禮世久不見率郡守舉行其儀閭巷鄉
老皆使與飲又著文勸諭其子弟室家是日士民在
泮者蓋千人其後公卿部使者薦之滋多朝廷命以

官就除州學教授教學者以治心養氣四字為先曰
修身務學為文之要莫大於此其効甚明其術甚易
晚乃著書未成而病嘗曰吾之書大要以正治心以
直養氣而已四方士大夫上謁請見無虛日先生酬
答不倦忘寢與食或問立朝之要則必曰以正輔乎
君或問修身之要則必曰以正修其身自遠方寄巨
軸請教者大書一正字與之諸生有逾年不省侍者
以私財遣之使歸天文之學尤造其妙星辰躔度若
辨白黑門人問之荅曰昔人有學天文於譙周者周
曰天下事可學者其多何獨天文處鄉校三十年事

先聖如一日籩豆器皿必自盥濯春秋釋奠朔旦釋
菜必數日齋戒諸生無家者每歲時置酒與之飲其
歿於學者皆葬徐氏地中無人奉烝嘗者數百人設
廣坐祭之自少戒殺見聚螳惕然惟恐踐之未嘗誦
佛書而每論佛必得其要平日默處一室幾若與世
相忘至其論天下事則衮衮不倦有客自廣東奉使
歸見先生因論二廣山川險易堡塞踈密番禺搶手
利害口誦手畫若數一二使者歎曰不出戶而知天
下者徐公是也先生於前代名將酷慕諸葛武侯以
其所學之廣所養之厚也嘗謂兵者實大賢盛德之

事非小才小智所能用不獨用之難也言之亦難若其所養不至而易言之鮮不敗事先生自少及老日作一詩為文率用腹藁口占其子書之作大河詩二百餘韻一夕乘興自書不改一字嘗曰文字在胸中出之未暇者不可勝記晚年益好觀書目力視小字不裛自得耳疾不發遠書其欲答者率以小詩報之然詩亦不至京師居官得祿奉祭祀外悉付家人未嘗問有無至親舊急難則罄所有赴其急或脫衣衣之率以為常故居州序三十年未嘗一日絕祿而家徒四壁先生始受知

神宗皇帝數召對而先生以耳疾不能從仕故元豐七年屢有粟帛之賜元祐元年

朝廷就除揚州司戶叅軍楚州教授紹聖三年特改和州防禦推官

今上即位特改宣德郎皆非常制累乞致仕皆不報至崇寧二年

朝廷特除西京嵩山中嶽廟逾月終於舍實五月一日也享年七十有六臨終門人至卧內問起居遽以衣覆其首曰不巾不敢延坐又謂其子曰君子命在湏臾恍惚之間然而不敢少忘禮義并舉曾子易簣

之事因誦檀弓一篇誦畢而化大觀二年五月內
哲宗實錄院取索文集數十卷并行狀載之國史政
和六年緣內外臣僚薦請賜謚節孝處士前此二十
年間一日枕書卧既覺忽冊間大書曰五月榴花不
肯開直候徐郎來筆蹤竒異不類人世書臨終之日
所居震動移時若百餘人曳車以往鍾鼓之音喧然
閭巷一愚婦人死而復蘇曰適道旁見大宅扁高門
榜曰徐先生宅後數日先生卒以六月十三日葬于
東郊是日門人會葬者蓋千人夾道擁觀無不流涕
道人徐神翁在泰州每寄書問先生呼先生為兄先
生既歿長女與其夫王仲穎詣海陵見翁問先生何
之翁遽答曰仙去也先生先娶李氏尚書郎紳之女
再娶亦李氏越州新昌令景先之女子四人女四人
有歌詩雜文訓解數十卷藏于家資深於先生實為
姻家故見聞親炙之詳且舊者莫如資深謹撫其行
事之實不敢少文其辭也謹狀

本朝名臣言行錄

節孝徐先生

先生名積字仲車楚州山陽人中進士第神宗朝數召對以耳疾不能至元祐年就除揚州司戶參軍楚州教授徽宗即位特改宣德郎累致仕不報崇寧二年特除西京嵩山中嶽廟逾月卒年七十六政和六年賜謚節孝處士

先生自兒童不為嬉戲寡言笑莊毅如成人父羅城君卒先生始三歲晨昏匍匐床下求其父甚哀太夫人一日使讀孝經輒流涕不能止是時太夫人

携先生育於陝右外家事母篤孝朝夕冠帶問起居一日幘頭晨省外氏諸婦大笑之翌日復如是笑不已被笑旬日彌恪自是至老不廢居家必冠帶當暑締綌必重王資深撰行狀又童蒙訓云先見貴官尚必用公裳豈有朝夕見母而不具公裳者乎遂晨夕具公裳揖其母而

既冠徒步從安宅先生學安宅門下踰千人以別室處之遣婢視飲食澣濯盛寒惟一衲裘以米投漿甕中日食數塊而已安宅使其徒餽之食不受將還受一飯而行曰先生之命不可終違嘗曰吾於安宅之門所得多矣言之在耳一字不違也行狀

義訓云仲車先生初從安宅胡先生學潛心力行不復仕進其學以至誠為本積思六經而喜為文同老而不衰先生自言初見安宅先生退頭容少偏安宅厲声云頭容直積因自思不獨頭容直心亦要直也自此不敢有邪心又安宅言行錄云了翁嘗問先生佛氏有悟門儒者有之否先生曰有之問先生之悟門云何曰積昔從安宅先生學先生晚畜二侍姬諸弟子莫見一日因延食中堂二女子侍側食已積請於安宅曰積由是或問見侍之否何以告之安宅曰莫安排積由是有得此積之悟門也

二叔父議析居先生涕泣止之不可於是請二叔父先取所欲餘書十篋弊屋數間而已先生怡然受之二叔父歿家事替先生事叔母如母送死無不備先生事母謹嚴非有大故未嘗去其側日具太

夫人所嗜或不獲即奔走闕市若有所亡人或慕其純孝損直以售之親戚故人致其養誠不至禮不恭弗受也所奉饌皆手自調味太夫人飲食時先生率家人在左右為兒嬉或謳歌以說之故太夫人雖在窮巷而奉養與富貴家等無須臾不快也應舉貢禮部不忍一日去其親遂徒步載母西入京師一日借人書冊經夕還之人知其必不校乃誣曰冊中有金葉先生遜謝賣衣償金聞者皆不平強使歸金先生終不受平居日未嘗事法律及試有司亦以賦中第同榜第一人許安世率

同年數十人拜太夫人於堂上仍以百千為太夫人壽數往返先生終拒之先生年過壯未娶或勉之荅曰娶非其人必為母病予非敢忘嗣固有待也先生以羅城君諱石平生不用石器遇石則避而不踐或謂先生曰天下用石多矣必避之然後為孝歟他日山行李何先生曰此吾私迹則然吾豈固避之哉吾遇之怵然傷吾心乃思吾親不忍加足其上他日若有君命敢從私乎

行狀

太夫人既以疾終先生號慟嘔血絕而復蘇哭不輟聲水漿不入口七日廬墓三年卧苦枕塊線經不

去身至雪夜哀號伏墓呼太夫人問寒否如平生
因委僵仆手足皆裂不顧也翰林呂溱嘗造廬下
見其飲食聞其號哭垂涕曰想見鬼神中夜聞此
聲亦湏為公泣所居茅舍不蔽風雨而農夫樵父
瞻仰如神有爭訟者必造之先生以義裁決皆悅
服而去不復造有司每歲甘露降於墳域必逾月
郡縣吏民無長少日至東郭焚香致恭城中為虛
兢獻粟帛藥劑悉無所受隣邑之人環廬擁道移
市就之踰月乃止太守迎先生入學歲四月降甘
露於所舍太夫人墳左有杏一本兩枝數年矣一

日兩枝之端忽漸相向踰時遂合今尚存也先生
居州學教授舍尚設考妣几筵晨昏起居執爨滌
器饋食如生冬以火温衾席夏揮扇去蚊蚋思毋
平時所甘日以供祀未嘗一日不奉酒也 行狀
先生嘗患鄉飲之禮世久不見率郡守舉行其儀閭
巷鄉老皆使與飲又著文勸諭其子弟室家是日
士民在泮者蓋千人行狀

先生平日教學者每以治心養氣四字為先曰修身
務學為文之要莫大於此其効甚明其術甚易晚
乃著書未成而病嘗曰吾之言大要以正治心以

直養氣而已四方士大夫上謁請見者無虛日先生酬荅不倦忘寢與食或問立朝之要則必曰以正輔乎君或問修身之要則必曰以正修其身自遠方寄巨軸請教者乃大書一正字與之諸生有逾年不省侍者以私財遣之使歸

行狀

先生天文之學尤造其妙門人問之則曰昔有學天文於譙周者周曰天下事可學者甚多何獨天文

行狀

先生居山陽鄉校幾三十年事先聖如一日籩豆器皿必自盥濯春秋釋菜必數日齋戒諸生無家者

每歲時置酒與之飲其歿於學者皆葬徐氏地中無人奉丞嘗者數百人設廣坐祭之

行狀

先生自少戒殺見聚螿惕然惟恐踐之未嘗誦佛書而每論佛必得其要平日默處一室幾若與世相忘至其論天下事則衮衮不倦有客自廣東奉使歸見先生語邊事先生因論二廣山川險易堡塞疎密番禹搶手利害口誦手畫若數一二使者歎曰不出戶而知天下者徐公是也

行狀

先生於前代名将酷愛諸葛武侯以其所學之廣所養之厚也嘗謂兵者實大賢盛德之事非小才小

智所能用不獨用之難也言之亦難若有所養不
至而易言之鮮不敗事

行狀

先生自少及老日作一詩為文率用腹藁口占其子
書之作大河詩二百餘韻一夕乘興自書不改一
字嘗曰文字在胸中出之未暇者不可勝記晚年
益好觀書目力視小字不衰自得耳疾不發遠書
其欲答者率以小詩報之然詩亦不至京師

行狀

先生居官得祿奉祭祀外悉付家人未嘗問有無至
親舊急難則罄所有赴其急或脫衣衣之率以為
常故居州序三十年未嘗一日絕祿而家徒四壁

立行狀

先生一日升堂訓諸生曰諸君欲為君子而使勞已
之力費已之財如此而不為猶之可也不勞已之
力不費已之財何不為君子鄉人賤之父母惡之
如此而不為猶之可也父母欲之鄉人榮之何不
為君子又曰言其所善行其所善思其所善如此
而不為君子者未之有也言其所不善行其所不善思
其不善如此而不為小人者未之有也

先生以病廢人事惟里閭故舊親戚之喪遣吊祭親
治辦如平日滌罌缸貯酒拜而後遣之

按定言

先生病革門人問之先生遽以衣覆首曰不巾不敢
延坐又謂其子曰君子命在頃臯恍惚之間然而
不敢少忘禮義并舉曾子易簣之事因誦檀弓一
篇誦畢而化 行狀

傳尚書墨卿初尉江都往來山陽深為節孝先生所
知或問先生所為知墨卿者先生曰方欽聖升遐
楚之郡縣官若寓若客皆集服臨郡廷下惟傳尉
容稱其服吾是以賢之 安定言行錄

皇朝史部事略卓行傳序

士之所貴於天下者以有君子之行為陳列以學
業教其鄉朱壽昌以孝感致其母劉庭式以雍睦
宜其妻鄭俠以敢言事其君巢谷以誠信行其義
徐積以篤實蓄其德卓絕之行足以表儀一世烏
虜斯可謂之士矣

徐積字仲車楚州山陽人也少孤事母盡孝年四十
不昏不仕不昏者恐異姓不能盡心於母也不仕者
恐一日去其親也鄉人勉之就舉遂偕母之京師既
登第未調官而母亡遂不復仕其後監司上其行以

爲郡教授一時陳瓘鄒浩皆禮之久之致仕歸山陽
於是始娶而操履彌篤矣積爲文怪而放耳曠甚畫
地爲字乃始通語終日面壁坐不與人接而四方事
無不周知其詳雖新且密無不先知也積嘗與蘇軾
曰自古皆有功獨稱大禹之功自古皆有才獨稱周
公之才以其有德以將之故爾軾然其言始三歲時
喪父哭之甚哀及居母喪尤盡禮廬墓側十餘年晨
昏奉几筵如事生每歲甘露降於墳域必逾月木爲
連理郡守迎入學甘露又降其舍鄉閭化之州具以
聞賜絹三十匹米三十石後以壽終政和三年部使

子
者言積蘊德丘園聲名顯著謚曰節孝處士官其一

諸君子帖

蘇東坡帖

昨日見仲車先生耳疾雖未甚痊而神氣已一真
得道者蒙惠佳篇軟次韻奉答

軾上

惡衣惡食詩愈好恰似霜松轉春鳥蒼蠅莫亂遠

鷄聲世上誰如公覺早八年看我走三州

元豐八年

登州元祐四年赴杭州月自當空水自流人間擾

今赴揚州皆見先生擾真螻蟻應笑人間作鬪牛

軾啓適辱竒篇伏讀驚歎愧何以當之以太守會

上不即裁謝繼枉手教益深感忤晚來起居住勝

公窮約至老居甚卑而節獨高軾忝冒過分竇內
自愧相見不免踧踖來示何謙損之過也迫行不
再詣惟厚自愛入夜草草不宣
軾再拜

仲車先生臺下

六月三日

黃山谷帖

次韻仲車同年兄因婁望江見寄之詩雖後時不
相及而見屬之惠不可不報
庭堅再拜

前朝老諸生大半正丘首投荒萬里歸煩公問健
否往時望江宰今為夏津吏它日可教之玉音幸
無棄

次韻仲車同年兄喜董元達訪之作南郭篇一首

庭堅再拜

董侯從軍來意望名不朽軟門拜徐公在德不在
酒徐公雖避俗對客輒粲然耳不聞世事時誦陶
令篇

秦淮海帖

觀再拜昨日幸獲參晤極慰久企之懷宿昔伏惟
尊候萬福觀本欲詣門下請辭適鄉人喬吏部約
同行小官迎親遠涉畏途且欲藉其徒御之衆遂
挽舟出閩以此不皇前詣先生素見知愛必不以

為責也食遠言侍敢乞為道自重千萬千萬不宣

觀再拜上

仲車教授先生座前

九月二日謹空

張宛丘帖

未拜上季春極暄恭惟

仲車教授先生尊體起居萬福未向罷宣州到京
蒙除管勾明道宮尋便居陳僅半年餘即頗優游
今年閏月初忽捧告命謫監黃州酒稅仍落職遂
出陸目陳入蔡自蔡入光遂至貶所黃在大江上

風土食物却相得太守乃楊懷寶與之親舊通守
山陽人也真長者謫官之幸未卑體亦頑健新婦
以次各無恙職事亦不絕冗公私既無事事中亦
泰然其他外物應自有命非人能與也先生以謂
如何有以見教乃卑誠所願也未由叅省伏乞順
時保重

鄒道鄉帖

浩惶心再拜浩鄙人師仰道德之重久矣官守廣
陵雖密邇絳帳顧未嘗望履不敢輒上問曰者幸
甚奸叩與謁先生辱而見之獲聞至言豈直慰素

願哉永以矜式庶幾自脫於苟賤不廉之地也感
激感激

浩惶恐再拜

浩惶恐再拜昨崔礪宣德赴官江東經由廣陵出
先生詩一編示浩自惟坐井觀天曾不足以窺秋
毫萬分之一輒忘鄙陋嘗書編末先生既有意收
而教之矣敢以上呈亦以表素存之誠也若其澆
瀆賜罪與否敬俟尊命

浩惶恐再拜

書

先生詩編之後

古人往矣名空存爾未冠帶誰其倫語言淵濶行
跡躄俛仰不愧何續續先生道義完且潔去彼取
此非今人事親豈但綵衣戲刻木定省長悲辛拋
官卻掃醉經史膏中無復留纖塵履穿袍弊突不
墨辭幣與粟甘清貧自從秀髮到白首造次於是
如一晨當知有昊憫澆散先生故出援斯民嗟余
稟賦雖不敏管窺偶幸知所因講聞先生亦已久
云為輒以書諸紳搢來廣陵兩閱歲所得比舊尤
加親此篇雅什盈數百覃思成誦驚余神恍如聽
樂周太廟黃鍾太呂皦且純又如典瑞出圭璧璫

璨溢目非珠珉偉哉固足信萬一髮髯想見容彬
彬吾皇圖治急遺逸空谷相望推蒲輪先生高卧
焉得遂細札匪日頌嚴闈重慚韉鎖脫無計洒掃
猶阻致此身願言師法不少懈異日有立逃湮淪

蔣穎叔帖

次韻仲車見示之作

之奇

聞道揚州掾新承雨露恩青衿典鄉校華袞被王
言踐履躬無玷持循論有根祇應來學者從此造
淵源

元祐元年七月二十五日

跋諸公與徐仲車詩簡

楊龜山

余昔過山陽嘗一見先生侍坐終日得所未聞多
矣迨今三十餘年追念不能忘也紹興二年其子
安道來尉吾邑一日踵吾門出諸公與先生往還
詩書示余求言以刻諸石余謂先生之節義如大
圭不琢而其美自見非雕繪所能增飭也然諸公
皆一時名世之士其言足以信今傳後而歆慕如
此鏤之金石使百世而下見之必有聞而興起者
亦非小補也

四

卷之二